



**Mondragon
Unibertsitatea**

**Humanitate eta Hezkuntza
Zientzien Fakultatea**

**HAUR HEZKUNTZA eta LEHEN HEZKUNTZA
GRADUKO IKASKETAK
ARAUDI AKADEMIKOA
2018-2019 IKASTURTEA**

2018ko urriak 17an Graduako Lan Taldeak onartua

AURKIBIDEA

I. SARRERA	3
II. KONTZEPTUAK	3
III. GRADUKO IKASKETEN EZAUGARRIAK	5
IV. SARBIDE ETA ONARPENA GRADUKO IKASKETETAN	5
V. MATRIKULA	8
VI. IKASLEAK BAJA ESKATZEA	10
VII. ESKOLA EGUTEGIA	11
VIII. IKASKETEN EBALUAZIOA ETA IKASTEN JARRAITZEKO ARAUAK ...	11
IX. MUGIKORTASUN PROGRAMETAN PARTE HARTZEA	16
X. MATRIKULAREN ORDAINKETA	17
XI. IKASKETETARAKO BEKAK ETA LAGUNTZAK	18
XII. ESPARRUAK ETA ESKUDUNTZAK	20
<i>I. ERANSKINA- Oinarrizko Formazioko Materiak</i>	
<i>II. ERANSKINA- Lanbide Heziketako kredituak aitortzea</i>	
<i>III. ERANSKINA. Mugikortasun egonaldietan lortutako emaitzen ebaluazioa.</i>	
<i>IV. ERANSKINA. Datu pertsonalen babeserako araudia.</i>	

I. SARRERA

Graduko unibertsitate-ikasketen jarduera akademikoa urriaren 29ko 1393/2007 Errege Dekretuaren babespean garatzen ari da, Espainiako Zientzia eta Berrikuntza Ministerioak MONDRAGON UNIBERTSITATEAri homologatu dizkion ikasketa-planen arabera.

HAUR HEZKUNTZA GRADUA, 2010eko ekainaren 10eko Ebazpenak homologatua (2010.06.26 BOE). Ikasketa plangintza 2010.11.04ko BOEn argitaratuta.

LEHEN HEZKUNTZA GRADUA 2010eko ekainaren 10eko Ebazpenak homologatua (2010.06.26 BOE). Ikasketa plangintza 2010.11.04ko BOEn argitaratuta.

II. KONTZEPTUAK

UNIBERTSITATE-IKASKETA OFIZIALEN EGITURA

Abenduaren 21eko Unibertsitateei buruzko 6/2001 Lege Organikoko 37. artikuluan (apirilaren 12ko 4/2007 Lege Organikoak eraldaturik) xedatu eta 1393/1997 Errege Dekretuak garatutakoaren arabera, unibertsitate-ikasketa ofizialak hiru ziklotan egituratzen dira, hots: GRADUA, MASTERRA eta DOKTORETZA.

GRADUA: unibertsitate-ikasketen oinarrizko zikloa da hau eta bere helburua da ikaslea jarduera profesionalean aritzeko prestakuntza orokorraz janztea. Graduko tituluak 180-240 ECTS kredituk osatzen dituzte, hiru edo lau ikasturte akademikotan banaturik, eta bertan bilduko da ikasleak jaso beharreko prestakuntza teoriko eta praktikoa: ezagutza adarreko oinarrizko alderdiak, materia derrigorrezko eta hautazkoak, mintegiak, kanpo-praktikak, gradu bukaerako lana edota bestelako prestakuntza-jarduerak.

Gradurako Egokitze kurtsoak: Kurtso honen helburua Goi Mailako Espazio Europarrera (EESS) egokitzea da. Honela Irakasle Ikasketetako Diplomatuari Haur Hezkuntza edo Lehen Hezkuntza Gradua lortzeko aukera eskaintzen zaie.

MASTERRA: masterreko ikasketen helburua da ikasleak espezializazio edo ikerkuntzarako prestakuntza aurreratua hartzea. Gutxienez 60 ECTS kredituk osatzen dituzte.

DOKTORETZA: doktoretzako ikasketen helburua ikaslea ikerkuntza-teknika aurreratueta janztea da; ziklo honetan sartzen da doktoretza tesia egin eta aurkeztea. Tesia ikerkuntzako jatorrizko lana izango da.

UNIBERTSITATE ALORREKO HAINBAT KONTZEPTU INTERESGARRI

ECTS KREDITUA: ikasketa plan jakin batean programaturik dauden helburuak erdiesteko ikasleek egin behar duten guztirako lan-karga edo -bolumena neurtzeko onartu den neurria da ECTS (*European Credit Transfer System*) kreditua. ECTS bat 25 lanorduren pareko da, ikaslearentzat; ikasturte akademiko bakoitzak 60 ECTS dituzenez, ikaslearen 1.500 lanordu dira; ordu horietarik batzuk presentziazkoak izango dira, eta beste batzuk, ez-presentziazkoak.

KONPETENTZIAK: prestakuntza-programen diseinua, inplementazioa eta ebaluazioa gidatzen dituen erreferentzia laborala dira konpetentziak, eta bi motatakoak izan daitezke:

- a) Konpetentzia Espezifikokoak: lan-esparruetako profesionalek bereizgarri dituzten lan-funtzioak identifikatu eta horietan oinarriturik definitzen dira konpetentzia espezifikoko edo profesionalak. Horiek kontuan hartuta prestatu ohi dira HUHEZItik irtendako ikasleak, bakoitzak aukeratu duen lan-esparruan (Komunikazioa, Haur Hezkuntza, Lehen Hezkuntza...).
- b) Zeharkako Konpetentziak: hainbat egokiera eta testuingurutan (laboralean, akademikoan, sozialean, etab.) baliagarriak izanik, gizakia gizakitzat garatzeko eta lanean era hobezinean aritzeko prozedurak, jarrerak eta ezagutzak biltzen dituzte zeharkako konpetentzia hauek. Horien artean honako hauek aipatuko ditugu: Talde-lana, komunikazio eraginkorra, arazoak konpontzera orientaturiko pentsamendua, ikasten ikastea, erabakiak hartzea, lidergoa, lanaren ikuspegi globala, ekintzailtza eta berrikuntza, eta espirtu kritiko eta konpromiso etikoa.

OINARRIZKO FORMAZIOKO MATERIAK. Espainiako unibertsitate eremuko graduiko ikasketa plan guztiek graduiko titulu horri dagokion ezagutza adarretako oinarritzko prestakuntzako 60 ECTS kredituk osatzen dituzte, Haur Hezkuntzakoak izan ezik (honakoa 100 ECTSk osatua baitago); ezagutza horiek ikasketa planeko lehen bi ikasturteetan ematen dira. HUHEZIk egun dituen graduiko hiru tituluak gizarte eta zuzenbide zientzien ezagutza adarrekoak direnez, horietako oinarritzko formazioko materialak bertan daude kokaturik.

DERRIGORREZKO FORMAZIOKO MATERIAK: materia hauek Fakultateak komuntzat eta derrigorrezkotzat ezarri ditu ikasketa beretan diharduten ikasleentzat.

HAUTAZKO MATERIAK: materia hauek ikasleak aukeratu ahal izango ditu, dagokion titulazioan eskaintzen direnen artetik.

Hezkuntza ikasketetan, hautazko materia horiek ageri dira ikasleak gradu titulazio bakoitzean (Haur Hezkuntza, Lehen Hezkuntza) aukera ditzakeen ibilbideetan.

KANPO PRAKTIKAK: praktikak egitea derrigorrezkoa izango da, eta Fakultatearekin hitzartutako erakunde jakin batean egingo dira.

GRADU BUKAERAKO LANA: arautegi honetan sartzen diren ikasketa guztien bukaeran gradu bukaerako lana egin beharra dago, eta kasuan kasuko titulazioko memoria justifikatzailean materia horri dagokion fitxan biltzen diren zehaztapen eta edukien arabera egingo da.

HIZKUNTZAK HUHEZIN: HUHEZI fakultateak bere printzipioetan argi adierazten du euskararekin duen konpromisoa. Euskara da HUHEZI fakultatearen komunikazio hizkuntza nagusia, instrukzio-zein harreman-hizkuntza nagusia, bai gela barruan, bai gelatik kanpo. Karreraren helburuen artean dago ikasleak prestatzea haien lana euskaraz kalitatez egin ahal izateko, baina baita, aldi berean, euskararen alde sentsibilizatzeko ere; hala, ikasleak beren lantoki eta ingurune hurbiletan euskararen sustatzaile izatea da jomuga.

Horretarako, HUHEZI fakultateak hizkuntza guztiekiko jarrera positiboak sustatu nahi ditu, bai elebidun egiten gaituzten euskara eta gaztelaniarekiko, baita, profil akademikoak eta profesionalak eraginda, ingelesarekiko ere. Hori dela eta, hizkuntzekiko, eta bereziki euskararekiko, hurbiltasuna, erabilera... sustatu eta bultzatuko dira, eta ikasleei horren arabera jarrera eta portaerak eskatuko zaizkie.

III. GRADUKO IKASKETEN EZAUGARRIAK

Ondoko taulan, laburbildurik, jaso ditugu titulu bakoitzeko graduko ikasketa planaren funtsezko ezaugarriak. Honakoak zehazten ditugu bertan: ikasketen iraupena; tituluak eskatzen dituen kredituen guztirako kopurua eta materiak nola banatuak dauden; tituludunei eskudantzia profesionalak aintzat hartuko zaizkien ala ez, eta titulua zein ezagutza-adarretakoa den.

Graduko ikasketak	Haur Hezkuntzan	Lehen Hezkuntzan	Ikus-entzunezko Komunikazioan	
			2009 Plana	2014 Plana
MATERIA MOTA	ECTS	ECTS	ECTS	ECTS
Oinarrizko formazioa	100	60	60	60
Derrigorrezkoak	---	---	134	129
Didaktiko-Diziplinarra	60	100	--	--
Hautazkoak	30	30	16	15
Praktikak	44	44	12	12
Gradu Bukaerako Lana	6	6	18	24
GUZTIRA	240	240	240	240
IKASKETEN IRAUPENA	4 ikasturte	4 ikasturte	4 ikasturte	
ESKUDANTZIA PROFESIONALIK	BAI ⁽¹⁾	BAI ⁽²⁾	EZ	
TITULUA ZEIN EZAGUTZA-ADARRETAKOA DEN	Gizarte eta Zuzenbide Zientziak	Gizarte eta Zuzenbide Zientziak	Gizarte eta Zuzenbide Zientziak	

⁽¹⁾ 3854/2007 ECI Agindua, abenduaren 27koa (BOE 07.12.29)

⁽²⁾ 3857/2007 ECI Agindua, abenduaren 27koa (BOE 07.12.29)

MODALITATEAK: Haur Hezkuntza eta Lehen Hezkuntza graduak bi modalitatetan eskaintzen dira: Gradu presentziazkoa eta Gradu erdi-presentziazkoa.

IV. SARBIDE ETA ONARPENA GRADUKO IKASKETETAN (2017/2018 arte)

A. Unibertsitatean estreinakoz sartzeko diren ikasleentzako sarbidea.

Graduko ikasketetan sartu ahal izango dira hurrengo baldintzetako bat betetzen duten ikasleak:

- Batxiler edo titulu baliokidea dutenak.
- Goi Mailako Lanbide Heziketako titulua dutenak eta Unibertsitatean sartzeko baldintzak betetzen badituzte.
- Indarreko legeria gorabehera, Batxiler edo Goi Mailako Lanbide Heziketako tituluaren baliokidea dutenak, atzerrikoa denean.
- 25, 40 edo 45 urtez gorako pertsonentzako sarbide-probak gainditu dituztenak.
- Unibertsitate ikasketak hasita dituzten ikasleak edo unibertsitateko titulazioa daukatenak.

a) Sartzeko lehentasuna izango dute:

- Batxiler titulua dutenek, Unibertsitatean sartzeko probak gainditu badituzte.

- Ondoren zehazten diren adarretako Goi Mailako Heziketa Ziklo bat gainditu dutela egiaztatzen duten ikasleek. Lanbide-heziketako titulua eta ikasi nahi den gradu-titulazioetako ezaguera-adarren arteko loturaren arabera, lehentasunezko sarbidea izango dute honako titulu hauek:

ZEIN GRADUTAN SARTU NAHI DUTEN IKASLEAK	GOI MAILAKO HEZIKETA ZIKLOEN FAMILIAK	GOI MAILAKO TITULUEN ZERRENDA
HAUR HEZKUNTZAN	Gizarte eta Kultur Zerbitzuak	<ul style="list-style-type: none"> - Zeinu Mintzairaren Interpretazioa - Haur Hezkuntza - Gizarte Integrazioa - Gizarte eta Kultur Animazioa.
LEHEN HEZKUNTZAN	Gorputz eta Kirol Ekintzak Gizarte eta Kultur Zerbitzuak	<ul style="list-style-type: none"> - Gorputz eta Kirol Ekintzen Sustapena - Zeinu Mintzairaren Interpretazioa - Gizarte Integrazioa - Gizarte eta Kultur Animazioa.

b) Onarpen prozedura:

- 1. Izen ematea:** Izena emateko epe arrunta eta apartekoa egongo dira. Ikasle bakoitzak gehienez MONDRAGON UNIBERTSITATEAREN eskaintza orokorreko 2 titulaziotan eman dezake izena, lehen eta bigarren aukera izango dira eta plazak esleitzeko ordena ezarriko dute.
- 2. Froga espezifikoak:** Epe arruntean izena eman dutenek azaroa eta ekaina bitartean egingo dituzte titulu bakoitzari dagozkion proba bereziak. Izena emateko epe arrunta bukatu eta biharamunean zabalduko da izena emateko aparteko epea.
- 3. Onarpena:** Ekainako hirugarren astean, onarpen-notak kalkulatuko dira finkatutako irizpideen arabera eta plazen esleipenaren berri emango da. Epe arruntetik kanpo izena eman dutenak, bigarren onarpen fase batean sartuko dira.
- 4. Matrikula:** Matrikulatzeko epe arrunta eta apartekoa egongo dira. Matrikulatzeko epe arrunta, ikasleak onarpena jaso ondoren izango da. Matrikulatzeko epe arruntaren ostean beste epe bat zabalduko da plaza libreak dauden titulazioetan.

c) Onarpen nota kalkulatzeko irizpideak:

Onarpen-nota = Sarrera-nota (% 60, gutxienik) + Curriculumari edo aurreko ikasketetako modalitateari dagokion kalifikazioa (% 5, gutxienik) + Proba espezifikoak (% 35, gehienez).

Sarrera-nota (Batxilergo Amaierako Kalifikazioa): gutxienez %60ko pisua.

- 1.- Batxilergo Amaierako Ebaluazioa (BAE) gainditu duten Batxilergoko ikasleak:
 $Batxilergo\ Amaierako\ Kalifikazioa\ (BAK) = 0,4 \times BAE + 0,6 \times Batxilergoko\ batez\ besteko\ nota.$
- 2.- Goi mailako Lanbide Heziketako titulu ofiziala duten ikasleak:
 $Batxilergo\ Amaierako\ Kalifikazioa = Heziketa\ Zikloko\ batez\ besteko\ nota.$

3.- EBko edo ikasketak aitortzeko hitzarmena duten beste estatu batzuetako Batxilergoko tituluak edo baliokideak dituzten ikasleak: *Batxilergo Amaierako Kalifikazioa = UNEDek emandako egiaztagiriko nota.*

Aurreko ikasketetan izandako curriculumari edo modalitateari lotutako kalifikazioa: gutxienez %5eko pisua.

Graduko titulazio bakoitzerako finkatutako konpetentzia- eta trebetasun-froga espezifikoak: gehienez %35eko pisua.
Froga espezifikoa ondoko elementuek osatuko dute: banakako froga eta taldeko froga.
Froga hauetan zeharkako konpetentzia hauen kontrastea egingo da: sormena, talde lana, jarrera eraikitzailea eta harremanetarako sentikortasuna, enpatia eta jarrera irekia.

B. Goi-mailako Teknikari titulua edo Goi-mailako Kirol Teknikari titulua dutenak: notaren arabera.

C. 25 urtetik gorako sarbide-proba gainditu dutenak: sarbide-probaren notaren arabera.

D. 45 urtetik gorako sarbide-proba gainditu dutenak: sarbide-probaren notaren arabera.

E. Unibertsitate-titulua dutenak: espediente akademikoaren batez besteko nota.

Era berean, Unibertsitateak ezarritako ohiko epean izena eman duten ikasleei lehentasuna aitortuko zaie, ezohiko epean izena eman dutenen aurretik.

F. Haur Hezkuntza eta Lehen Hezkuntza graduetako egokitze kurtsotan sartzen diren ikasleen sarbidea.

Irakasleentzako Gradurako Egokitze ikasketetan bakarrik sartu ahal izango dira aurretik **Irakasle Ikasketetan diplomatuak** diren ikasleak. Hauetariko titulu baten jabe izan behar da:

- Irakasle titulua, espezialitatea edozein dela ere. (RD 1440/1991).
- Oinarrizko Hezkuntza Orokorreko irakasle titulua, espezialitatea edozein dela ere.
- Lehen Hezkuntzako irakaslea (1967ko ikasketa plana).
- Lehen Hezkuntzako irakaslea (1950eko ikasketa plana).

Horrez gain, ikasleek euskaraz zein ingelesez maila zehatza egiaztatu beharko dute. Hizkuntza-mailak hurrengoak dira: Euskara-maila: C1. C1 maila egiaztatzen ez dutenei hizkuntza-proba bat egingo zaie. Ingeles- maila: B1. B1 maila egiaztatzen ez dutenei hizkuntza-proba bat egingo zaie.

G. Haur Hezkuntza eta Lehen Hezkuntza Gradu erdi-presentziatzko ikasketetan sartzen diren ikasleen sarbidea.

Haur Hezkuntza eta Lehen Hezkuntza Gradu erdi-presentziatzko ikasketetan bakarrik sartu ahal izango dira:

- Aurretik edozein goi-mailako ikasketak eginda dituztenak (diplomatu, lizentziatu, ingeniari, arkitekto edo graduatuak).
- Helduentzako unibertsitateko sarrera-proba gainditu duten pertsonak.
- Lanbide Heziketako Goi-Mailako Moduluak (Hezkuntza alorrekoak) eta 5 urteko lan-eskarmantua dutenak.
- Goi-mailako kirolariak. (Unibertsitate sartzeko gainontzeko baldintzak betetzen baditu).

V. MATRIKULA

A. Haur Hezkuntza eta Lehen Hezkuntza Graduak (Presentziazko modalitatea).

1. Matrikula-unitate administratiboa materia da.
2. Ikasturte osoko matrikula 60 ECTS da.
3. **Ikasle berriak:** nahitaez, lehen ikasturteko kreditu guztien matrikula egin behar dute. Hala ere, hezkuntza alorreko premia bereziak eraginda, edo ikaslearen egokierarekin loturiko gorabeherek eraginda, eta ikasleak berak hala eskatuta, matrikulako kreditu kopurua orokorki xedatutakoa baino urriagoa izatea onartu ahal izango du dagokion graduako batzordeak.
4. **Hurrengo matrikulak:** Arautegi honetako VIII. atalean xedatzen denez ikasten jarraitzeko baldintzak betetzen baditu, ikasleak gutxienez 30 ECTSko matrikula egin beharko du, non eta titulazioa burutzeko geratzen zaion kreditu kopurua arauz xedatutako gutxienera baino txikiagoa ez den; horrela izatekotan, kreditu denetan matrikulatu beharko du.
30 eta 60 ECTS bitarteko matrikula partziala egiten duten ikasleek, hezkuntza proiektuan xedaturiko urteko sekuentzia bete beharko dute.
5. Ikasleak matrikulatuta dagoen kreditu kopuruen arabera ordaindu beharko ditu matrikula-tasak.
6. Aparteko gorabeheretan eta ikasleak hala eskaturik, kasuan kasuko Gradu Batzordeak salbuespenak jarri ahal izango dizkio arau honi.

B. Gradurako Egokitze Ikastaroetan eta Gradu erdi-presentziazko ikasketen kasuan:

1. Ikasleak erritmo desberdinen artean hautatu dezake, beti ere ondoko oinarrizko arauak errespetatuz:
 - Ikasturte bakoitzeko gutxienera matrikula 30 ECTSkoa izango da.
 - Aurreko ikasturtean gainditu edo matrikulatu gabeko ikasgai guztietan egin beharko da matrikula.
 - Ikasketa planean ezarritako aurretiko betebeharrak eta hezkuntza proiektuan xedaturiko sekuentzia bete beharko du matrikulak.
 - Ikasturtean zehar ezingo da aldatu uztailean edo irailean egindako matrikula.
2. Aparteko gorabeheretan eta ikasleak hala eskaturik, kasuan kasuko Gradu Batzordeak salbuespenak jarri ahal izango dizkio arau honi.

C. Kredituak aitortzeaz

1. Hauxe esan nahi du kredituak aitortzeak: ikasleak Mondragon Unibertsitatean zein beste edozein unibertsitatetako ikasketa ofizialetan eskuratutako kredituak, ikasten ari den Gradu titulu konputatuko dira (kasuan kasukoetan), titulu ofiziala eskuratzeko helburuarekin.

Espedientea beste edozein unibertsitatetatik Mondragon Unibertsitateko Humanitate eta Hezkuntza Zientzien Fakultatera lekualdatzekotan, edo, Mondragon Unibertsitatean bertan, irakaskuntza ofizialak aldatzekotan, **oinarrizko formazioko kredituak automatikoki aitortuko zaizkio ikasleari**, baldintza hauek betetzen badira:

- Gizarte eta Zuzenbide Zientzia adarrekoak eta Hezkuntzako materiak izatea kredituak.
- Baliokideak izatea bai edukietan eta baita kreditu kopuruan ere.

2. Gainerako kredituak Fakultate honek aitortu ahal izango dizkio ikasleari, berak aurreko ikasketetan gainditutako materietako gaitasun eta ezagutzen eta HUHEZliko Graduan aurreikusita daudenen arteko egokitzapenaren arabera.

3. Lanbide Heziketako goi mailako teknikarien tituluak aitortzeko, honako hauek hartuko dira egokitzapena, gaitasunei, ezagutzei eta ikaskuntzako emaitzei dagokienez. Zehazki honako kontuan: graduako tituluko irakasgaien eta goi teknikarien tituluko modulu edo irakasgaien arteko egokitzapena. Araudi honetako II. Eranskinean zehazten dira aitortuko diren kreditu eta ikasgaiak.

Aurreko paragrafoetan jasotakoaren arabera aintzat harturiko kredituak zenbakizko noten bidez kalifikatuko dira, irailaren 5eko 1125/2003 Errege Dekretuko 5. artikuluan xedatutakoaren arabera.

4. Gradurako Egokitze Ikastaroen kasuan egiaztatutako lan-eskarmentua aitortu ahal izango da kreditutan, betiere lan-eskarmentuak zerikusi zuzena baldin badu gradu-tituluari dagozkion konpetentziekin. Gehienez ere, 30 ECTS aitortu ahal izango zaizkio ikasleari, eta ezin izango dira aitortu Gradu Bukarako Lanari (GBL) dagozkion kredituak.

Lan-eskarmentuaren aitortzarako irizpideak: Gradu tituluari dagozkion ibilbide eta etapa bakoitzean izandako urtebete bakoitzarengatik, 6 ECTS aitortuko dira. Irakasle lanetan urtebeteko eskarmentutzat hartuko da ikasturte batean, jarraian edo aldika, gutxienez urtebete horretan bederatzi hilabetez aritu izana. Ezinbestekoa izango da ikastetxeko zuzendariaren egiaztagiria, edo, bestela, zerbitzua eskaini den Hezkuntza Erakundeko organo eskudunak egiaztatutako zerbitzu-agiria. Egiaztagiri horietan ezinbestean azaldu beharko dira zerbitzuak eskainitako hasierako eta bukarako egunak, zein hezkuntza mailatan eskaini den zerbitzua, eta araututako ikasketetako zein ibilbidetan aritu den.

D. Kredituen transferentzia

Kredituen transferentzia terminoak hauxe adierazten du: ikasleak Mondragon Unibertsitatean zein beste edozein unibertsitatetako ikasketa ofizialetan eginiko ikasketei dagozkien kredituak, titulu ofizial bat erdiestera bideratu ez badira, ziurtagiri akademiko ofizialetan sartzea.

E. Espediente akademikoa

1. Ikaslearen espediente akademikoan, ikasleak, titulua eskuratzeko jomugaz, Mondragon Unibertsitatean zein beste edozein unibertsitatetako irakaskuntza ofizialetan eskuratutako kreditu guztiak jasoko dira, hala kreditu transferituak, nola aitortuak zein gaindituak, aurreko ataletan adierazitakoaren arabera, eta kasuan-kasuan zein motatakoak diren adieraziko da. Aitorturiko kredituak direnean, lehenagoko ikasketei dagozkien datu hauek emango dira: unibertsitatea(k), ikasketa ofizialak eta zein ezagutza-adarretakoak diren; gaindituriko ikasgai edo materiak eta haien kreditu kopurua, eta ikasleak erdietsitako kalifikazioa.

2. HUHEZIK, Espediente Akademikoarekin batera, gehigarri bat emango dio ikasleari, non aitortzen zaion unibertsitate esparruko zein jardueratan esku hartu duen (jarduera akademiko hutsetatik at). Kontuan hartuko dira: Kontseilu Errektoreko partaide izatea, ordezkaria izatea, HUHEZIK antolaturiko eskolaz kanpoko jardueretan parte hartzea —Truke programa, Literatur Astea, Komunikaldiak, Zinema Saioak, etab.—.

3. Espediente akademikoa jasotzeko dagozkion tasa ordaindu beharko du ikasleak. Tasa hori Eusko Jaurlaritzak zehazten du urtero, Goi-mailako hezkuntza zerbitzu publikoengatik ordaindu beharreko gainontzeko prezioekin batera. Graduako azken mailako ikasleei ekaineko kuotarekin batera kobratuko zaie tasa horri dagozkion kopurua.

F. Tituluaren gehigarri europarra

Dokumentu ofizial hori Europan Goi Mailako Hezkuntzako titulazioen gardentasuna areagotzeko definitu eta diseinatu zen. Gehigarri horren bitartez, titulazioak aintzat hartzea eta ikasleen mugikortasuna erraztuko da, baita ikasleak Europako lan merkatuan sartzea ere.

Tituluaren Gehigarri Europarra eskatu ahal izango dute unibertsitate ikasketa ofizialak burutzen dituzten ikasleek; eskaera egingo da titulu ofiziala eskatzen den une berean edo ondoren.

G. Matrikula ezeztatzea

Kontzeptua

Idazkaritza Akademikoari eginiko eskari-agiri bidez, matrikula ezeztatzea eskatu ahal izango du ikasleak; eskaera hori ikasturte berriko azaroaren 30a baino lehen egin beharko da.

Matrikula formalizatzeko exijitzen diren baldintzarik betetzen ez direnean edo datuak nahiz dokumentazioa faltsutu direnean, ezeztapena ofizioz egingo da.

Ondorioak

Ikasleak berak matrikula ezeztatzea eskatzen duenean edo matrikula ofizioz ezeztatu denean, ikasleak utzi egingo dio Fakultate honetan matrikulaturik egoteari; beraz, ezingo zaio egin Ikastetxe honekiko lotura duela egiazta lezakeen inolako agiririk.

Ezeztapen unera arte ikasleak ordainduriko matrikularen prezioa ez zaio inola ere itzuliko, baina ordaintzeko dauden gainerako kopuruaren kobrantza bertan behera utziko da.

H. Gradua bukatu ondoren jasoko den dokumentazioa.

Gradua amaitzerakoan ikasleek dokumentazio akademiko hau jasoko dute:

- Espediente akademikoa (euskaraz eta gaztelaniaz)
- Graduako Tituluari eta Tituluaren Gehigarri Europar eskaerari dagokion ziurtagiria.
- Euskara ziurtagiria: 47/2012 Dekretuak ezarritakoa jarraituz, C1 euskara maila egiaztatzen duen ziurtagiria. Ziurtagiri honek Eusko Jaurlaritzak Euskal Autonomia Erkidegoko unibertsitatez kanpoko herri-ikastetxeetan lan egiteko irakasleei eskatzen dieten euskarazko C1 maila egiaztatzen du. Beraz, irakasle gisa aritzeko, ziurtagiri hau nahikoa da euskara eskakizuna egiaztatzeko. (Gradurako Egokitze Ikastaroetako eta Bigarren Gradu/Aipameneko ikasleek ez dute ziurtagiri hau jasoko, Dekretuak eskatutako baldintzak ez direlako aukera hauetan betetzen)

Kuota guztien ordainketa eginda izatea ezinbesteko baldintza da dokumentazio hau jasotzeko.

VI. IKASLEAK BAJA ESKATZEA

1. BORONDATEZ ESKATZEA BAJA

Ikasleak Fakultatean baja eman nahi duenean, idatziz jakinarazi beharko dio idazkaritza akademikoari.

Ondorioak

_Idazkaritza Akademikoak ikasleak ikasturtean kontsumitzeko dituen deialdiak baliogabe utziko ditu eta bajaren berri helaraziko dio Administrazioari, ikasleak ordaintzeko dituen matrikula-zatiak kobra ez diezazkion. Baja eskaera hilaren 10aren aurretik jaso ezean, hilabete horretako kuota kontutik pasako zaio ikasleari.

Ordura arte ordaindutako kopuruak ez zaizkio, inola ere, itzuliko ikasleari.

2. IKASTEN JARRAITZEKO DENBORA AGORTZEAREN ONDORIOZ DATORREN BAJA.

Testu honetan jasotako arauen arabera ikasten jarraitzeko denbora agortzearen ondoriozko nahitaezko baja gertatzean, Idazkaritza Akademikoak baja horren berri helaraziko dio Administrazioari, hurrengo hilabetetik aurrera, ikasleak ordaintzeko dituen matrikula-zatiak kobra ez diezazkion.

Aurreko kasuetan bezalaxe, ordura arte ordaindutako kopuruak ez zaizkio inola ere, itzuliko ikasleari.

VII. ESKOLA EGUTEGIA

Dagokion titulazioko Gradu Batzordeak proposatzen du eskola egutegia: ikasturtearen hasiera, oporraldiak, jaiegunak eta ikasturtearen amaiera noiz izango diren. Ondoren, Kontseilu Errektoreak onetsi egin behar du. Datuok Fakultateko webgunean argitaratuko dira, ikasleek horren berri izan dezaten.

Aurreikusiriko egutegi-marko horretan, seihilekoetan edo hiruhilekoetan banatuko da lana, eskola ikasturte bakoitzeko titulazioek hartuko duten erabakiaren arabera. Epe horietan integratuak daude bai garatzea aurreikusita dauden hezkuntza-jarduerak, baita gaitasunak eskuratzean ikasleak egiten duen aurrerakuntza neurtzeko baliatuko diren ebaluazio mekanismoak ere. Arautegi honetan xedaturiko bigarren deialdia ekain-uztailean egingo da.

VIII. IKASKETEN EBALUAZIOA ETA IKASTEN JARRAITZEKO ARAUAK

1. EBALUATZE SISTEMA.

Ebaluazio-jarduera desberdinen arteko konbinazio orekatu baten bitartez etekina eta ikaskuntza baloratuko da.

Ebaluazio horrek, aurreko ataletan adierazitako alderdiekin koherentziaz, kasuan kasuko titulazioa definitzean erreferentzia gisa hartu diren Konpetentzia Orokorrekin eta Espezifikoekin loturik garatu diren ezagutza, trebezia eta jarrerak lehenetsiko ditu.

Ikasleak daraman materia bakoitzaren ebaluazio jarraitua eta ikasturte amaierakoa egingo dira.

Ikasturte berean materia bakoitzak bi ebaluazio-deialdi izango ditu.

Ikasleak ebaluazioa eta kalifikazioak berrikustea eska dezake. Berrikusketa epeak eta prozedura dagokion Gradu Batzordeak ezarriko ditu.

Maila bat errepikatzen duten ikasleek klaseetara joan beharko dute materia gainditu ahal izateko. Presentzialitate hori betetzeko arazoak daudenean, ikasleak ikasketen koordinatzaileari idatzi bat aurkeztuko dio bere arazoak azaltzeko. Arazoak justifikatuta badaude, koordinatzailearekin adostuko du presentzialitate hori zenbatekoa izan ahal den, baina, edozein kasutan, %50 bermatu beharko litzateke behintzat materiaren ebaluazioa gainditzeko.

2. KALIFIKATZE SISTEMA.

Materiak 0 eta 10 zenbakien (dezimal bakarrez) arteko puntuen bitartez kalifikatuko dira. Horretan, 5 eta 10 puntu (biak barne) bitarteko kalifikazioa lortzen duenak materia gaindituko du, eta 5 puntura iristen ez denak ez du gaindituko.

3. IKASTEN JARRAITZEKO ARAUAK ETA TITULAZIOZ ALDATZEKO ARAUAK.

A. Haur Hezkuntza eta Lehen Hezkuntza Graduak (Presentziazko modalitatea)

A1. Gradua lau ikasturtetan egituratua dago; horietako **lehen bietan** sartzen da oinarrizko formazio osoa. Bi ikasturte horien arteko igarotzea ondoko arauen bidez erregulatuko da:

- a) Lehenengo maila: ikasle sartu berriek, matrikulatu diren kreditu guztien % 20 gainditu behar dute gutxienez, lehenengo ikasturtean, HUHEZIn ikasten segituko badute (matrikula osoan 12 ECTS). Aparteko gorabeheretan eta ikasleak hala eskaturik, kasuan kasuko Graduoko Batzordeak salbuespenak jarri ahal izango dizkio arau honi.
- b) Bigarren maila: bigarren mailara igaro ahal izateko, lehen mailako 42 ECTS gainditu beharko ditu ikasleak (non eta 60 ECTS baino gutxiagotan matrikulatu ez den, V. puntuan, salbuespenezko kasuei dagokienean xedatu bezala).

Haur Hezkuntza eta Lehen Hezkuntza Graduetako ikasketen arteko aldaketak lehenengo eta bigarren mailan:

- Lehen Hezkuntzako Gradutik Haur Hezkuntzako Gradura pasatzea (edo alderantziz), posible izango da lehenengo mailaren bukaeran. Horretarako, hurrengo urratsak bete beharko dira:
 - Aldaketaren eskaera arrazoitua dagokion Graduoko Batzordeari bidali ekainak 1-7 bitartean.
 - Graduoko Batzordeak aurkezten diren arrazoiak aztertuz eta dituen baldintzak ikusiz (ikasle kopuru orokorra, ibilbide bakoitzeko ikasle kopurua, ikaslearen ibilbide akademikoa...) erantzungo dio ikasleari:
 - Baietza izanez gero, derrigorrez, Gradu berri horren 1.º mailako 1.5, 1.7, 1.8 eta 1.9 materietan matrikula egin beharko du eta ezingo du 2. Mailako ikasgaietan matrikulatu.
 - Ezetza izanez gero, dagoen graduan jarraitu beharko du.
- Ibilbideen arteko aldaketak: Gradu barneko ibilbideen arteko aldaketak posible izango dira lehenengo edo bigarren mailan. Horretarako, hurrengo urratsak bete beharko dira:
 - Aldaketaren eskaera arrazoitua dagokion Graduoko Batzordeari bidali ekainak 1-7 bitartean, Gradu horretan joratu nahi duen ibilbide berria adieraziz.
 - Graduoko Batzordeak aurkezten diren arrazoiak aztertuz eta dituen baldintzak ikusiz (ikasle kopuru orokorra, ibilbide bakoitzeko ikasle kopurua...) erantzungo dio ikasleari:
 - Baietza izanez gero, hurrengo ikasturtean aukeratu duen ibilbide berrian matrikula egin ahal izango du:
 - Eskaera lehenengo mailan egiten bada, bigarren mailako materia guztietan egin beharko du matrikula.
 - Eskera bigarren mailako bukaeran egiten bada, hirugarren mailan, bigarren mailako ibilbideko materialen ere matrikulatu beharko da.
 - Ezetza izanez gero, dagoen Graduoko ikasketetan jarraitu beharko du.

A2. Hirugarren eta laugarren mailak Graduan espezializatzerara bideratuak daude eta bi maila horien arteko igarotzea hurrengo arauen arabera erregulatuko da:

a) Hirugarren maila: ikaslea hirugarren mailan sartu ahal izango da lehen edota bigarren mailetatik gehienez ere 18 ECTS ekarriz gero.

Haur Hezkuntza eta Lehen Hezkuntza Graduetan, ikasleak ezingo du 3. mailara pasatu lehenengo mailako 1.4 materia (*Hizkuntza prestakuntza disziplinarra I*) gainditu gabe.

b) Laugarren maila: Haur Hezkuntza eta Lehen Hezkuntza Graduetan, maila honetan sartu ahal izateko, gehienez aurreko mailetak 18 ECTS izango ditu.

A3. Deialdi kopurua: ikasleak, materia bakoitzeko, gehienez sei deialdi izango ditu, ondoko salbuespenez:

Haur Hezkuntza eta Lehen Hezkuntza Graduko tituluetak 6 ondoko materietan gehienez ere lau deialdi izango dituzte:

- Practicum I, II eta III. Ezingo dute Practicum-eko matrikula egin aurrekoa gainditu ezean. Ez ohiko egoera gertatuko balitz aztertuko litzateke dagokion Graduko Batzordean.
- Gradu Bukaerako Lana.

Gradu Bukaerako Lana aurkeztu ahal izateko, ezinbestekoa izango da ikasketa plana osatzen duten gainerako materia guztiak gaindituak edukitzea.

Deialdiak agortzen dituzten ikasleek ezingo dute ikasketa hauek jarraitu. Halere, onartua izanez gero, beste ikasketa batzuei ekin ahal izango die Unibertsitate honetan beste behin bakarrik.

A4. Ebaluazio deialdiari uko egitea: Deialdi kopurua zenbatzerakoan ikaslea aurkezten ez denekoa ere kontuan hartzen da. Ez, ordea, ikasleak ebaluazio deialdiari uko egiten dioenean. Deialdiari uko egiteko honako arauak jarraituko dira:

- Justifikatu beharrik gabe materia bakoitzeko gehienez bat aurkeztu ahal izango du, (kalifikazio aktetan "KE" gisa jasoko da). Materia bakoitzean ukoa aurkezteko epea Idazkaritza Akademikoak bidalitako mezu baten bidez jakinaraziko da.
- Gaixotasun-arazoak direla-eta edo beste egoera ezohiko batean ere, ukoa aurkeztu ahal izango da (kalifikazio aktetan "KU" gisa jasotzen dena) eta dagokion Graduko Batzordeak erabakiko du.

Eskubide hauetaz baliatzeko, ikasleak eskaria egin behar du idazkaritza birtualaren bidez. Deialdiari uko egiteak suposatzen du deialdi horretan ezin dela aurkeztu eta ez duela kalifikaziorik izango; hala ere, ohikoa den legez, materia horren deialdiari dagokion diru kopurua ez zaio itzuliko.

A5. Deialdiak aurreratzeko aukera: ikasleek GBL materiako deialdia aurreratzeko eskubidea izango dute baldintza hauek betetzen badituzte:

Haur Hezkuntza eta Lehen Hezkuntza Graduetan:

1. Laugarren. mailako ikaslea izan eta GBLan bigarren aldiz matrikulatuta egotea.
2. GBLaz gain gehienez titulazio osoko kreditu kopuruaren %5a izatea pendiente, eta ikasgai guztiak beranduenez otsaileko deialdikoak izatea.
3. Ikasturte bakoitzean bakarrik behin eskatu ahal izango da deialdi aurrerapena, eta azaroak 15a baino lehen egingo da eskaera, Idazkaritza Akademikoak horretarako ipinitako epean.

4. GBLa aurreratzen duenak bi deialdi hauek izango ditu:
 - Martxoa (deialdi aurreratua)
 - Uztaila (ohiko deialdia)
5. GBL aurrerapena eskatu duen ikasleak, martxoko deialdi aurreratuan kalifikazio bat eramango du (0-10 bitartean) eta hortaz deialdi hori erabili egin beharko du nahitaez.
6. Martxoko deialdi aurreratuan ikasleak ez du izango aukerarik UKOrrik (ez KU eta ez KE) eskatzeko.
7. Laugarren mailako beste edozein materiaren deialdi aurrerapena egin ahal izateko, Gradu Batzordeak, ikasle bakoitzaren egoera akademikoa aztertuko du eta egokia dela ikusiz gero, materia hori(ek) gainditzeko aurrerapena ahalbidetuko du. Horretarako eskaria idazkaritza akademikoan egin beharko da. Gradu Batzordeak erabakitzen duenaren arabera, hala balegokio, ordaindu beharreko kuotak ere moldatu eta aurreratu egingo dira

B. Haur Hezkuntza eta Lehen Hezkuntza Graduak. (Erdi-presentziatzko modalitatea)

B1. Gradua lau ikasturtetan egituratua dago; horietako lehen bietan sartzen da oinarrizko formazio osoa. Bi ikasturte horien arteko igarotzea ondoko arauen bidez erregulatuko da:

- a) Lehenengo maila/ikasturtea: ikasle sartu berriek, matrikulatu diren kreditu guztien %10 gainditu behar dute gutxienez, lehen ikasturtean, HUHEZIn ikasten segituko badute.
- b) Bigarren ikasturtea eta ondorengoak:
 - a. Aurreko ikasturtean gainditu edo matrikulatu gabeko ikasgai guztietan egin beharko da matrikula.
 - b. Mailaz igarotzeko, gehienez ere aurreko mailetan gainditu gabeko 18 ECTS izan ditzake ikasleak.
 - c. Gehieneko matrikula 78 ECTSkoa izango da.
- c) Aparteko gorabeheretan eta ikasleak hala eskaturik, kasuan kasuko Gradu Batzordeak salbuespenak jarri ahal izango dizkio arau honi.

Hezkuntzako Graduetako ikasketen arteko aldaketak lehenengo eta bigarren urtean:

- Lehen Hezkuntzako Gradutik Haur Hezkuntzako Gradura pasatzea (edo alderantziz), posible izango da lehenengo mailaren bukaeran. Horretarako, hurrengo urratsak bete beharko dira:
 - Aldaketaren eskaera arrazoitua dagokion Gradu Batzordeari bidali ekainak 15-30 bitartean, Gradu berrian jorratu nahi duen ibilbidea adieraziz.
 - Gradu Batzordeak aurkezten diren arrazoiak aztertuz eta dituen baldintzak ikusiz (ikasle kopuru orokorra, ibilbide bakoitzeko ikasle kopurua, ikaslearen ibilbide akademikoa...) erantzungo dio ikasleari:
 - Baietza izanez gero, derrigorrez, Gradu berri horren 1.go mailako 1.5, 1.7, 1.8 eta 1.9 materietan matrikula egin beharko du eta ezingo du 2. Mailako ikasgaietan matrikulatu.
 - Ezetza izanez gero, dagoen ibilbidean jarraitu beharko du.
- Ibilbideen arteko aldaketak: Gradu barneko ibilbideen arteko aldaketak posible izango dira lehenengo mailan. Horretarako, hurrengo urratsak bete beharko dira:
 - Aldaketaren eskaera arrazoitua dagokion Gradu Batzordeari bidali ekainak 15-30 bitartean, Gradu horretan jorratu nahi duen ibilbide berria adieraziz.
 - Gradu Batzordeak aurkezten diren arrazoiak aztertuz eta dituen baldintzak ikusiz (ikasle kopuru orokorra, ibilbide bakoitzeko ikasle kopurua...) erantzungo dio ikasleari:

- Baietza izanez gero, hurrengo ikasturtean aukeratu duen ibilbide berrian matrikula egin ahal izango du:
 - Eskaera lehengo mailan egiten bada, bigarren mailako materia guztietan egin beharko du matrikula.
 - Eskera bigarren mailako bukaeran egiten bada, hirugarren mailan, bigarren mailako ibilbideko materialen ere matrikulatu beharko da.
 - Ezetza izanez gero, dagoen Gradu ikasketetan jarraitu beharko du.
- Gradu eta Ibilbide aldaketa Gradu osoa on line egiten dutenek bakarrik eskatu ahal izango dute.

B2. Deialdi kopurua: ikasleak, materia bakoitzeko, gehienez sei deialdi izango ditu, ondoko salbuespenez:

- Haur Hezkuntza eta Lehen Hezkuntza Gradu tituluetako ondoko materietan gehienez ere lau deialdi izango dituzte:
 - o Practicum I, II eta III. Ezingo dute Practicum-eko matrikula egin aurrekoa gainditu ezean. Ez ohiko egoera sortuko balitz, aztertuko litzateke dagokion Gradu Batzordean.
 - o Gradu Bukaerako Lana..

Gradu Bukaerako Lana aurkeztu ahal izateko, ezinbestekoa izango da ikasketa plana osatzen duten gainerako materia guztiak gaindituak edukitzea.

Deialdiak agortzen dituzten ikasleak ezingo dute ikasketa hauek jarraitu. Halere, onartua izanez gero, beste ikasketa batzuei ekin ahal izango die Unibertsitate honetan beste behin bakarrik.

B3. Ebaluazio deialdiari uko egitea: Deialdi kopurua zenbatzerakoan ikaslea aurkezten ez denekoa ere kontuan hartzen da. Ez, ordea, ikasleak ebaluazio deialdiari uko egiten dioenean. Deialdiari uko egiteko honako arauak jarraituko dira:

- Justifikatu beharrik gabe materia bakoitzeko gehienez bat aurkeztu ahal izango du, (kalifikazio aktetan "KE" gisa jasoko da). Materia bakoitzean ukoa aurkezteko epea Idazkaritza Akademikoak bidalitako mezu baten bidez jakinaraziko da.
- Gaixotasun-arazoak direla-eta edo beste egoera ezohiko batean ere, ukoa aurkeztu ahal izango da (kalifikazio aktetan "KU" gisa jasotzen dena) eta dagokion Gradu Batzordeak erabakiko du.

Eskubide hauetaz baliatzeko, ikasleak eskaria egin beharko du idazkaritza birtualaren bidez.

Deialdiari uko egiteak suposatzen du deialdi horretan ezin dela aurkeztu eta ez duela kalifikaziorik izango; hala ere, ohikoa den legez, materia horren deialdiari dagokion diru kopurua ez zaio itzuliko.

B4. Deialdiak aurreratzeko aukera: ikasleek GBL materiako deialdia aurreratzeko eskubidea izango dute baldintza hauek betetzen badituzte:

Haur Hezkuntza eta Lehen Hezkuntza Graduetan:

1. GBL materialen bigarren aldiz matrikulatua egotea.
2. Deialdi hauek aurreratu ahal izango ditu:
 - Ekainetik martxora
 - Irailtik ekainera
3. Eskaria Idazkaritza Akademikoan egin beharko da, ikasturte bakoitzeko azaroak 15a baino lehen.

4. Koordinatzaileekin kontrastatu ondoren Gradu Batzordeak erabakiko du kasu bakoitzean deialdi aurrerapena onartzen duen ala ez.
5. Ezin da UKORik eskatu aurreratutako deialdietan.
6. GBLaz gain gehienez titulazio osoko kreditu kopuruen %5a izatea gainditu gabe, eta ikasgai guztiak beranduenez otsaileko deialdikoak izatea.

4. ZINTZOTASUN AKADEMIKOA. KOPIATZE ETA PLAGIOEN KASUAK

Kopiatzea edota plagioa egitea ez da zilegi, ez ikasleen jarrera pertsonal moduan, ezta etorkizunean irakaskuntzako edo komunikazioko profesionala izan nahi duen pertsona batengan ere. Ez da zilegi praktika engainagarria delako, eta horrela zalantzan jartzen duelako zintzotasun akademikoa. Hortaz gain, plagioa egitea ez da legezkoa; izan ere, jabetza intelektualaren eskubideak urratzen dira (egile-eskubideak errespetatzen ez baitira). Eta larritasunaren arabera, ondorio penalak ekar ditzake.

Plagioa izan dela ulertuko da ikasleak beste baten lana, zatika edo osotasunean, berea balitz bezala aurkezten badu, hau da, horren jatorria era egoki eta estandarizatu batean aipatu gabe, eta beharrezkoa den kasuetan, egilearen baimenik izan gabe. Edozein motatako euskarritan dauden sormen-lanei eragin diezaieke praktika desegoki honek: testuak (esaldiak, paragrafoak edo lan osoak), irudiak, bideoak, grafikoak, musika-lanak eta abar, direla paperan edo Interneten jasotakoak, direla ikus-entzuneke lanak edo digitalak.

Kopiatu dela ulertuko da jatorriz berea ez den edozein motatako euskarri analogiko zein digitaletatik hartu diren testu-zatiak edo lan osoak bere horretan erabiltzea. Beste norbaitek esandakoaren aipua egitean, egilearen aitortza jasota ere, kopiaketa hutsa ez da zilegi izango, haren gainean ezagutza berriak sortzeko erabiltzen ez bada. Horrek eskatzen dio ikasleari ongi mugatzea beste lanetatik hartuko dituen testu-zatiak eta euren gainean nor bere ekarpena egitea.

Gauzak horrela, ikasleak kopiatu edo plagioa egin duela ziurtatzen bada irakasleak, dagokion materiako deialdi horretan 0.0 kalifikazioa jasoko du.

Ikasle batek behin baino gehiagotan, edota materia batean baino gehiagotan, kopiatu edo plagioa egin duela frogatzen bada, ikaslea kanporatua izango da, eta dagokion Gradu Batzordeak erabaki beharko du aldi baterako edo betirako kanporatua izango den.

IX. MUGIKORTASUN PROGRAMETAN PARTE HARTZEA

1. MUGIKORTASUN PROGRAMEN KUDEAKETA

Mugikortasun programen planifikazioa eta kudeaketa HUHEZIk nazioarteko harremanen arduradunaren eskumenekoa da. Laburki eta era ez-sekuentzian zehaztuko ditugu bertako programan diren egitekoak:

- Ikasleen artean nazioartean aritzeko eskaintza banatzea eta ikasleek beraien lehentasunak agertuko dituzten izen-emate orriak betetzea.
- Espediente akademikoaren, aukeratutako tokian egin beharreko ikasketen eta ikaslearen zaletasunen arabera lekuak esleitzea.
- Aurretiatzko tramite administratiboak formalizatzea.
- Egonaldia atzerrian: Learning Agreement deitutako dokumentua betetzea.
- ECTS kredituak aintzat hartu eta metatzea, atzerriko erakundean prestakuntza-epea amaitutakoan, kanpoko unibertsitatean erdietsitako emaitzak ikusirik.
- Ezingo dute Mugikortasun programetan parte hartu egokitzapen ikastaroak ikasturte batean burutzen dituzten ikasleek.

2. KREDITUAK AINTZAT HARTZEKO SISTEMA (UNIBERTSITATEEN ARTEKO MUGIKORTASUN PROGRAMAK)

Unibertsitateen arteko mugikortasun programen babesean, atzerrian egonaldiak egingo dituzten ikasleen kredituen aintzakotzat hartze eta metatzeko sistema hurrengo baldintzetan oinarritzen da:

- Ikasleak eta dagokion Gradu Batzordeak hitzartuko dute ikasleak zein materia egingo dituen bere egonaldian eta zein materia hartuko zaizkion aintzat Fakultate honetara ikastera itzultzen denean.
- Proposamen hori Learning Agreement dokumentuan jasoko da.
- Ikasleak jatorrizko Learning Agreement aldatzea proposa lezake, baldin eta aldatze horren arrazoiak agertzen baditu.
- Dagokion Gradu Batzordeak proposamena aski arrazoituztat jotzen badu, aldaketa onartuko du.
- Ikasleak atzerriko egonaldia amaitutakoan, Fakultate honetan egin ez dituen kredituak egindakotzat aitortuko zaizkio eta atzerriko erakundean (Learning Agreement dokumentuaren arabera) erdietsi duen kreditu-kopuruaren antzeko eskola-karga izango du bertan.
- Aurreko ataletan xedatutakoaren arabera aitorturiko kredituak zenbakiz kalifikatuko zaizkio, irailaren 5eko 1125/2003 Errege Dekretuko 5. artikuluan xedatutakoaren arabera. Atzerriko egonaldiengatik aitortuko diren kredituei dagozkien materien kalifikazioa, materietako bakoitzean ikasleak erdietsitako kalifikazioa bider horietako bakoitzari izendaturiko kreditu kopuruaren arteko batezbesteko haztatua izango da.
- Goian adierazi bezala, aitorturiko tituluak ere jasoko dira ikaslearen espediente akademikoan. Horrelakoetan, jatorrizko materiei dagokien informazio hau adierazi beharko da: unibertsitatea(k), irakaskuntza ofiziala(k) eta hori(ek) zein adarretakoak diren; gaindituriko ikasgai edo materiak eta kreditu-kopurua, eta erdietsitako kalifikazioa.
- Tituluaren Gehigarri Europarrean zehazki adieraziko dira, horretarako berariaz agertzen den atalean, ikasleak eginiko mugikortasun egonaldiak: unibertsitatea(k), ikasgai ofizialak eta horiek zein adarretakoak diren; gaindituriko ikasgai edo materiak eta kreditu-kopurua, eta erdietsitako kalifikazioa.

Araudi honen *III. Eranskinean* zehazten dira kredituak aintzat hartzeko sistemaren berezitasunak.

X. MATRIKULAREN ORDAINKETA

1.- Presentziazko graduetan.

Ikasturteko matrikularen zenbatekoa Humanitate eta Hezkuntza Zientzien Fakultateko (HUHEZI) Kontseilu Errektoreak ezarriko du ikasturte bakoitzaren hasieran.

Kopuru hau honela banatuko da: matrikula aurrerakina + urritik ekainera bitarteko 9 kuota. Matrikula egiterakoan matrikula aurrerakina ordainduko da. Kuoten karguak, ostera, hilaren 15ean egingo dira, urriaren 15ean hasita. Ordaindutako diru kopurua ez da inolaz ere itzuliko, ez ohizko gertakariren batengatik fakultateak bestelakorik erabakitzen ez badu behintzat.

Bestalde, aurreko urtetatik gainditzeke dauden ikasgaiak, kuotekin batera, kredituak ikasturte horretan duen prezioan ordainduko dira.

30 kreditu baino gutxiagotan matrikulatu diren ikasleek, berriz, matrikula aurrerakinaren parte proportzionala ordainduko dute ikasturte hasieran, aurrerakin osoa ordaindu beharrean.

Azkenik, bakarrik Gradu Bukaerako Lana (GBL) duten ikasleei ordainketak 5 hilabetetan planifikatuko zaizkie, otsailean proiektua aurkeztu eta ikasketak bukatzeko aukera izan dezaten.

2.- Erdi-presentziazko graduetan.

_Sarrera kuota eta kreditu bakoitzaren prezioa Humanitate eta Hezkuntza Zientzien Fakultateko (HUHEZI) Kontseilu Errektoreak onartuko du.

Matrikula egiterakoan sarrera kuota ordainduko da.

Gradu osoa online egiteko 60 ECTS baino gutxiagotan matrikulatu diren ikasleen kasuan, sarrera kuotaren parte proportzionala ordainduko dute ikasturte hasieran, sarrera kuota osoa ordaindu beharrean. Gutxieneko sarrera kuota, osoaren %50ekoa izango da. (Arau hau ez da aplikagarria egokitze bigarren gradu/aipamen kasuan)

Ikasturte horren kredituen kopuruari dagokion zenbatekoa bederatzi kuotatan banatuta ordainduko da, urritik ekainera bitartean, beti ere hilaren 15ean. Ordaindutako diru kopurua ez da inolaz ere itzuliko, ez ohizko gertakariren batengatik fakultateak bestelakorik erabakitzen ez badu behintzat.

Egokitze, 2. gradua eta 2. aipameneko ikasleen kasuan, GBL-an bakarrik matrikulatzen den ikasleak sarrera kuotan %80ko deskontua izango du, beti ere gutxienez bigarren aldia bada GBLan matrikulatzen dela. Hurrengo urtean berriz matrikulatuko balitz GBLan, sarrera kuotan %20ko deskontua izango luke.

XI. IKASKETETARAKO BEKAK ETA LAGUNTZAK

1.- Ikasketetarako beken eta laguntzen deialdi orokorra

Eusko Jaurlaritzako deialdiak:

- Unibertsitate mailako eta goi-mailako beste ikasketa batzuk egiteko beka.
- Udan atzerrian hizkuntza ikastaroak egiteko beka.
- Erasmus programaren eta nazioartean mugitzeko beste unibertsitate programa batzuen esparruko beka.
- Errendimendu handiko ikasleak saritzeko bikaintasun akademikoko beka.

Hezkuntza Ministerioa

- Beka orokorra eta mugikortasun beka.
- Udan atzerrian hizkuntza ikastaroak egiteko beka.

Beka eta diru-laguntza propioak

- Prezio Publikoen salbuespen eta murrizketen laguntza.
- Batxilergoan ohorezko matrikula ateratzeagatik laguntza.
- Familia ugarietzako laguntza.
- Genero indarkeriaren biktimei laguntza.
- Terrorismoaren biktimei laguntza.
- Biteri Ikastetxe Nagusiko egoiliar beteranoei laguntza.
- Fakultatean arlo ezberdinetan bekadun aritzeko aukera.
- Curriculumaz kanpoko praktikak.

2.-Alecop

Fakultateko ikasle orok aukera du, horrela nahi izanez gero, lan ordaindua egiteko ikaslez osatuta dagoen Alecop izeneko enpresan. Horretarako, Alecopen bertan edo Fakultateko Idazkaritza Akademikoan eskatu inprimakia. Inprimakia beteta entregatu ondoren Alecopen deitu arte itxaron behar da. ALECOP - Tel. 943 712405

3.- Fakultatean bekadun

Ikasturte hasieran, Fakultateko departamentuetan bekadun aritzeko aukera zabaltzen zaie ikasleei. Deialdia, Fakultateko kortxoetan eta korreo elektronikoko bidez bidalitako mezuz publikatzen da; oinarriak administrazioan daude eskuragai.

4.- Eskola Asegurua

Eskola Asegurua 1953ko uztailaren 17ko Legeak sortzen du (abuztuaren 18ko EBO) ikasleen onurarako gizarte-aurreikuspena bermatzeko. Helburua da ikasleei babes eta laguntza eman ahal izatea, nola nahi gabe gertatutako istripuetan zein aurreikusitako egoera txarretan. Eskola Aseguruaren aplikaziorako adin muga 28 urtekoa da.

Eskola Aseguruaren ondorioetarako, ikaslearen izaerarekin zuzen zein zeharka loturiko jardueretan ikasleak jasan lezakeen edozein gorputz-kalte hartuko da istripuztat; esate baterako, kirol-jarduera, batzar, ikasketa-bidaia, praktika edo proiektu edo antzeko jardueretan, baldin eta jarduera horiek unibertsitateak antolatutakoak badira.

5.- Bekabide.

BEKABIDE programarekin ikasleen eta euren familien ahalbide ekonomikoetara egokitzen ditugu ordainketak.

MUn ikasleak ekarriko lituzkeen gastuak eta diru-sarrerak kontuan hartuta, kasuan kasuko azterketa egiten dugu ikaslearen familiaren egoera ekonomikoa ikusita ,..., eta programaren onuradun izateko jarraitu beharreko irizpideak erabiltzen.

6.- Bestelako finantzaketa aukerak

MONDRAGON UNIBERTSITATEA eta Laboral Kutxak sinatutako hitzarmena medio, gure ikasleek aukera dute Laboral Kutxan ikasketak burutzeko maileguak lortzeko, lehentasunezko baldintzetan.

7.- MUKide

MUKide MONDRAGON UNIBERTSITATEko ikasle ohien elkarte da. Bertan izena ematen duten ikasleek hainbat zerbitzu jasotzen dituzte. Besteak beste, beharpenak Mondragon Unibertsitatean ikasteko. Beharpen hauek eskatu ahal izateko, ikasleak izena eman beharko du MUKiden Azaroaren 1aren aurretik. Horrela egin ezean, ikasturte horretan ezingo da kontzeptu honegatik beharpenik egin matrikularen zenbatekoan.

XII. ESPARRUAK ETA ESKUDUNTZAK

Arautegi honetan agertzen ez diren kontuez edota zabaltzea, sakontzea, zehaztapenez argitzea, etab. eskatzen duten kontuez bidezko jotzen dituen arautegiak egin ahal izango ditu HUHEZIKO Gradu Lan Taldeak.

HUHEZIKO Gradu Lan Taldeak, Arautegi honetan xedatutakoaren babespean, Gradu unibertsitate-ikasketetan jardura akademikoa normal gara dadin zainduko du eta Hezkuntza Komunitatearen asebetetzeko bidezkoztat jotzen dituen hobekuntza-proposamenak egingo ditu.

Hemendik aurrera Arautegi honen aldaketak egitea HUHEZIKO Gradu Lan Taldearen eta ez beste inoren eskuduntza da, bertako kideren batek hala eskaturik.

I. ERANSKINA- Oinarrizko Formazioko Materiak

Gizarte eta Zuzenbide Zientzien adarreko, bertako tituluetan:

Gradua HAUR HEZKUNTZAN			
MATERIA	MOTA	ECTS	ESPARRUA
Irakasle- lanbidearen definizioa eta testuingurua. Konpetentzia orokorren garapena.	OF	10	Hezkuntza
Haur Hezkuntzaren oinarri psikopedagogikoak	OF	8	Hezkuntza
Hezkuntzan esku hartzeko oinarrizko irizpideak	OF	6	Hezkuntza
Arreta goiztiarraren oinarriak	OF	6	Hezkuntza
Arreta goiztiarraren esku-hartzea	OF	6	Hezkuntza
Errealitateari begirada orokorra: pertsona, gizartea eta natura.	OF	6	Hezkuntza
Hezkuntzaren erronka eta betebeharrak	OF	6	Hezkuntza
Ikastetxearen antolamendua eta familiaren parte hartzea	OF	6	Hezkuntza
Haur Hezkuntza antolatzeko irizpide psikopedagogikoak.	OF	6	Hezkuntza
Kultura-arte eta balioetan oinarritutako hezkuntza	OF	6	Hezkuntza
Haur Hezkuntzako estrategia metodologikoak eta ebaluazioa	OF	10	Hezkuntza
Komunikazio trebetasunak	OF	6	Hezkuntza
Ikasgelako behaketa, irizpide didaktiko orokorretatik abiatuta.	OF	6	Hezkuntza
Hezkuntza Europan eta mundu globalean; jardunbide egokiak.	OF	6	Hezkuntza
Guztionezko eskola.	OF	6	Hezkuntza
GUZTIRA	FB	100	

Gradua LEHEN HEZKUNTZAN			
MATERIA	MOTA	ECTS	ESPARRUA
Irakasle- lanbidearen definizioa eta testuingurua. Konpetentzia orokorren garapena.	OF	10	Hezkuntza
Lehen Hezkuntzaren oinarri psikopedagogikoak	OF	8	Hezkuntza
Ikasgelako behaketa, irizpide didaktiko orokorretatik abiatuta	OF	6	Hezkuntza
Aniztasunari erantzuteko printzipio eta estrategia metodologikoak	OF	6	Hezkuntza
Hezkuntza-laguntzaren premia espezifikoa duten ikasleentzako erantzuna eskola inklusiboan	OF	6	Hezkuntza
Errealitateari begirada orokorra: pertsona, gizartea eta natura.	OF	6	Hezkuntza
Hezkuntzaren erronka eta betebeharrak	OF	6	Hezkuntza
Ikastetxearen antolamendua eta familiaren parte hartzea	OF	6	Hezkuntza
Guztionezko eskola	OF	6	Hezkuntza
GUZTIRA	FB	60	

II. ERANSKINA. Lanbide Heziketako kredituak aitortzea.

Haur Hezkuntza Gradu 1. mailan matrikulatuta dauden ikasleei aitortutako materia eta ECTSak:

<i>Familia/GM Zikloa</i>	Ikasgaiak	Graduan Aitortu tako materialak	ECTS	Maila
GIZARTE ETA KULTUR ZERBITZUAK HAUR HEZKUNTZA	Garapen kognitiboa eta motorra	Haur hezkuntzaren oinarri psikopedagogikoak	8	1. maila
	Garapen sozioafektiboa			
	Adierazpena eta komunikazioa	Komunikazio trebetasunak	6	1. maila
	Haur Hezkuntzaren didaktika	Behaketa ikasgelan irizpide didaktiko orokorretatik abiatuta	6	2. maila
	Lantokiko prestakuntza	Practicum II	8	2. maila
	Laneko prestakuntza eta orientabidea			
	Gizarte-trebetasunak	Bestearen zaintzarako hezkuntza eta elkarbizitzarako hezkuntza	6	3. maila
	Familiekin lankidetzan aritzea eta arrisku sozialean dauden adingabeei arreta eskaintzea			
GUZTIRA		34		

III. ERANSKINA. MUGIKORTASUN EGONALDIETAN LORTUTAKO EMAITZEN KALIFIKAZIOA.

1.- SARRERA.

Araudi honen helburua da irizpideak ezartzea atzerriko unibertsitate batera irten eta mugikortasun ekintzetan partehartzen duten ikasleek HUHEZIn egin gabe uzten dituzten ikasgaien ECTS kredituak ebaluatzeko eta aitortzeko.

Egonaldian zehar ebaluazio irizpideak atzerriko unibertsitatearenak izango dira, beraiek jarriko dute nota. Irizpide horiek argiak izaten dira eta kurtsoen dokumentazioan agertzen dira.

Egonaldia bukatzean noten ziurtagiria, TRANSCRIPT OF RECORDS, ematen dute atzerriko fakultatean. Ikaslearen erantzukizuna da dokumentu hori HUHEZiko Nazioarteko Buruari entregatzea edo entregatuko zaiola ziurtatzea.

Atzerriko ikastetxean ikasgai guztiak ez badira gainditu, eta helmugako erakundeak aukera ematen badiete gainditu gabeko ikasgaiak errekupeartzeko, erakunde horretako errekupeazioaren emaitzaren zain geratuko gara, dagozkion aitortzak aplikatzeko. (Hurrengo ikasturteko matrikula dataren mugarekin)

LEARNING AGREEMENT dokumentuko kredituak dira HUHEZiko dagozkion lauhilabeteko kredituekin aitortuko direnak.

2.- ATZERRIAN LORTUTAKO KALIFIKAZIOEN BIHURKETA ETA EBALUAZIOA.

Ikasleak atzerrian lortutako kalifikazioak (zenbakizkoak zein kualitatiboak), 1125/2003 Errege Dekretuak ezarritako kalifikazio sistemara bihurtuko dira.

3.- AITORTUKO DIREN ECTS KOPURUA ZEHAZTEA.

Ikasleek mugikortasun ekintzetan parte hartu ahal izango dute, atzerriko unibertsitate batean seihileko bat egiteko. Helmugan ikasleek egin beharreko ekintzak jardunaldi osoak izango dira eta, ondorioz, egonaldiko irakastorduen pareko ikasketak egin beharko lirarteke (30 ECTS seihileko baterako).

Beraz, lortutako emaitzen arabera, eta araudi honetan zehaztutako baldintzak ezarrita, HUHEZIn seihileko bakoitzeko 30 ECTSra arte aitortu ahal izango zaizkio.

Ikasleak helmugako unibertsitatean ECTS kopuru txikiago bat gainditzen badu, HUHEZIn atzerriko unibertsitatean gainditutako ECTS kopurua osatzen duten ikasgaiak aitortuko zaizkio. Inola ere ezingo dira aitortu helmugako unibertsitatean gainditutako ECTS kopurua baino handiagoa.

4.- HUHEZI-N AITORTU BEHARREKO IKASGAIK EBALUATZEKO ERA.

Atzerrian egindako ikasketei dagokienez, tituluko ikasgaiak aitortzea erabakitzeke, lehenik eta behin, kontuan hartuko da ikasleak helmugako unibertsitateko ECTS guztiak gainditu dituen ala ez:

- a) Ikasleak ECTS guztiak gainditu baditu, tituluan aitortu daitezkeen ikasgai guztiak helmugako unibertsitatean lortutako emaitzen batez besteko nota haztatuarekin kalifikatuko dira.
- b) Helmugako unibertsitatean gainditu ez diren ECTSak, HUHEZIn gainditu gabekotzat joko dira ondorio guztietarako. Seihilekoko gainerako ECTSak helmugako unibertsitatean gainditutako ikasgaien batez besteko nota haztatuarekin kalifikatuko dira. (Batez besteko nota haztatua honela kalkulatu da: ikasleak helmugako erakundean gainditu dituen kredituen batura, horietako bakoitza dagozkion kalifikazioekin biderkatuta, eta erakunde horretan egindako egonaldian gainditutako kredituen kopuru totalarekin zatituta)

5.- HELMUGAKO UNIBERTSITATEAN LORTUTAKO KALIFIKAZIOEN BEHIN-BEHINEKO IZAERA ETA BEHIN BETIKOA.

Ikasleak egonaldia egin duen unibertsitatean lortutako kalifikazioen egiaztagiri originala jaso bitartean noten bihurketa eta ebaluazioa ez da burutuko. Ezingo da mugikortasunean lortutako kalifikazioen egiaztagiririk eman, eta ez da titulua eta Tituluaren Gehigarri Europarra emateko eskaria onartuko.

IV. ERANSKINA. DATU PERTSONALEN BABESERAKO ARAUDIA.

1.- Gradu zein Gradu-ondoko ikasketetako materia edo practicumean, zein ikerketa proiektuetan, argazkiak edo grabazioak egiteko beharra sortzen bada, adostasuna bermatzeko dokumentua sinatu beharko da.

2.- Materiako, practicum edo ikerketa proiektuko arduradunak dokumentua Moodle-en (www.moodle.mondragon.edu) irakasleen txokoa aurkituko du (Irakasleen txokoa-->LOPD-Datu pertsonalen babeserako araudia Grabazioak edo argazkiak egiteko baimen orriak).

3.-Irakasle Txokoa hiru karpeta daude:

1.-Adin nagusikoak grabatzeko edo/eta argazkiak ateratzeko erabili beharrekoak (HS42001A, HS42001B)

2.-Adin txikikoak grabatzeko edo/eta argazkiak ateratzeko erabili beharrekoak (HS42001D, HS42001E)

3.-Argazki edo grabazioen erabilera egokia bermatzeko-ikasleak (HS42001F)

4.-Argazkia atera edo grabatu beharrekoa adin nagusikoa bada, lehenengo karpetan dauden dokumentuak erabiliko dira (HS42001A, HS42001B). HS42001A dokumentua materia edo practicumaren kasuan erabiliko da eta HS42001B dokumentua ikerketa proiektuen kasuan. Aldiz, grabatuko den pertsona adin txikikoa bada, bigarren karpetan dauden dokumentuak erabiliko dira (HS42001D, HS42001E). HS42001D dokumentua materia edo practicumaren kasuan erabiliko da eta HS42001E dokumentua ikerketa proiektuen kasuan.

5.-Dagokion irakasle edo ikertzaileak adostasuna bermatzeko dokumentua osatu eta sinatzen duenean, grabazioa edo/eta argazkia burutuko duen ikasleari emango dio baimena lor dezan.

6.-Hirugarren karpetan dagoen dokumentua (HS42001F) Huheziko ikasleek sinatu beharko dute, grabazio edo argazkien erabilera egokia egingo dutela ziurtatuz.

7.-Adostasuna bermatzeko dokumentua sinatuta, ikasleek 15 eguneko epean jaso beharko dute, bestela adostasunik ematen ez dela ulertuko da eta ondorioz ezingo da argazkia edo grabazioa burutu.

8.-Baimenak ikasleak dagokion irakasleari entregatu beharko dizkio.

9.- Irakasleak baimenak jasotzean administrazioan entregatuko dira horien jarraipena egin ahal izateko.

Araudi hau HUHEZIKo Graduko Lan Taldeak

- 2010eko martxoaren 22an onartua
- 2010eko ekainaren 22an moldatua (VIII. D puntua, bigarren deialdiaren ukoa)
- 2013ko urtarrilaren 16an moldatua (Lanbide Heziketako kredituen aitormena)
- 2013ko apirilaren 30ean moldatua (Ikasten jarraitzeko Arauak. 4. Maila)
- 2013ko irailaren 4an moldatuak (GBLko deialdiak aurreratzeko aukera eta Haur Hezkuntza Graduan aitortuko diren Lanbide Heziketako materien aldaketa)
- 2014ko uztailaren 3an moldatua (IKO araudia eta HH eta LH Araudiak desberdindu dira)
- 2014ko azaroaren 14an moldatua.
- 2015eko irailaren 17ean moldatua (Antolaketa berrira egokitu da, Graduko Mahaiaren ordezt, Graduko Lan Taldea jaso da. Ebaluazio eta kalifikazioak berrikusteko prozedura zehaztu da. Gradu eta Ibilbide aldaketetarako prozedura egokitu da)
- 2016ko irailaren 12an moldatua (Sarrera egokitu da, matrikula atalean zuzenketa batzuk egin dira, ikasleek gradua amaitzerakoan jasoko dituzten dokumentuen atala sartu da, Graduz eta Ibilbidez aldatzeko arauak eguneratu dira, Kopiatze eta plagioen atala gehiago zehaztu da, matrikularen ordainketako atala eta ikasketetarako beka eta laguntzen atala eguneratu dira, III. Eranskina txertatu da)
- 2017ko urriak 2an moldatua (Ikasleen sarbide eta onarpenaren atala legedi berrira egokitu da. Zintzotasun Akademikoa. Kopiatze eta plagioen atala berrikusi da. IV. ERANSKINA. Datu pertsonalen babeserako araudia txertatu da.)